



# 史記會注考證

[汉] 司马迁◎著 [日] 泷川资言◎会注考证

【拾】

| 高清影印本 |



新世界出版社  
NEW WORLD PRESS



# 史記會注考證

THE HISTORY OF CHINA

[卷]

[卷名]

# 史记会注考证

司马迁◎著 [日] 泷川资言◎会注考证

【拾】

卷七十一 樗里子甘茂列传第十一 ~ 卷八十六 刺客列传第二十六

 新世界出版社  
NEW WORLD PRESS

史記會注考證卷七十一

漢 太 史 令 司 馬 遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

樗里子甘茂列傳第十一 史記七十一

**考證** 史公自序云秦所以東攘雄諸侯樗里子甘茂之策作樗里甘茂列傳第十一蘇轍曰蘇秦為諸侯弱秦而張儀為秦弱諸侯其說猶可言也如樗里疾公孫奭黨於

韓、甘茂黨於魏，向壽黨於楚，皆借秦之疆以搖動諸侯，而成其私，民生其間，其受害可勝言乎！愚按：楓山三條本，甘茂作甘戊。

### 樗里子者，名疾。秦惠王之弟也。

索隱按樗，木名也。音攢。高誘曰：其里有大樗樹，故曰樗里。然疾居渭南陰鄉，之樗

里，故號曰樗里子。又按紀年，則謂之楮里疾也。考證中井積德曰：里有樗，故名。冠字，死則以諡。仲

尼不稱闕里子，子輿不稱武城子。樗里子傳，樗里子疾室，在渭南陰鄉。樗里，故俗謂之樗

里子。蘇秦傳，鬼谷先生注，潁川陽城有鬼谷，蓋是其所居。因為號，蓋以所居為號。始見

於此。濂溪伊川乃襲此稱。後之道學先生遂無不以是為號。夫亦習而不察也。愚按論語

有東里子產，列子有東郭先生，莊子有南郭子綦，以其人所居為號者，不始於鬼谷先生

子。樗里與惠王異母。母，韓女也。考證凌約言曰：樗里子以惠王異母弟，而

尊重，夫秦素猜忌而殘忍之國也，非智囊何以周旋其間，而結樗里子滑稽多智。

數主之心耶！余有丁曰：按母韓女為甘茂傳，挾韓而議張本。樗里子滑稽多智。

秦人號曰智囊。索隱滑，音骨。稽，音雞。鄒，誕解云：滑，亂也。稽，同也。謂辨捷之人，言非若是，言是若非，謂能亂同異也。一云：滑稽，酒器，可轉注吐酒，不

已，以言俳優之人，出口成章，詞不窮竭，如滑稽之吐酒不已也。正義滑，讀為瀉，水流自

出，稽，計也，言其智計宣吐，如泉流出無盡，故楊雄酒賦云：鴟夷滑稽，腹大如壺，是也。顏師

古云：滑稽，轉利之稱也。滑，亂也。稽，礙也。其變無留也。一說：稽，考也。言其滑亂不可考較，又

考證滑稽，鄒說是楚辭卜居篇突梯滑稽如脂如韋，孟荀列傳鄒儒少拘如莊周等，又

猾稽亂俗，猾讀爲滑，義同。自史公錄滑稽傳，遂轉爲俳諧義。凌稚隆曰：滑稽多智，是一篇骨子，中敍其伐曲沃，伐趙，伐楚，釋蒲，以至于知百歲後事，皆言其智也。故以智則楞里句結之，正與前秦人號曰智囊句相應。

**秦惠王八年，爵楞里子右更。**索隱按右更，秦之第十四爵名也。**使將**

**而伐曲沃，盡出其人，取其城，地入秦。**索隱按年表云：十一年，拔魏曲沃，歸其人。又秦本紀：惠文王後元

八年，五國共圍秦，使庶長疾與戰脩魚，斬首八萬。十一年，楞里疾攻魏焦，降之，則焦與曲沃同在十一年，拔明矣。而傳云：八年，拔之不同。王劭按：本紀年表及此傳三處，記秦伐國，竝不同。又與紀年不合，今亦殆不可考。

正義曲沃故城，在陝州縣西南三十二里也。考證梁玉繩曰：案秦紀，屢稱庶長疾，似未嘗爲右更。八年，當作二十四年，乃後元十一年。

年，此誤也。又曰：案秦紀云：楞里疾攻魏焦，降之，然則是年所拔者，焦也，非曲沃也。曲沃已于前八年爲秦取之矣。尙安得曲沃乎？此與魏世家年表竝誤。

**秦惠王**

**二十五年，使楞里子爲將伐趙，虜趙將軍莊豹，拔蘭。**正義蘭縣，在石州。

考證莊豹，秦紀作趙將壯。趙世家年表作趙壯。沈家本曰：疑豹字衍。明年，助魏章錢大昕曰：按年表，在惠王後十二年。此云二十五年者，并前十三數之。

**攻楚，敗楚將屈丐，取漢中地。秦封楞里子，號爲嚴君。**索隱按嚴君是爵

邑之號，當是封之嚴道。正義地理志云：蜀郡有嚴道。考證君如商君武信君之君。

**秦惠王卒，太子武王立。逐張**

儀、魏章、而以樗里子、甘茂為左右丞相。

考證秦策云：秦惠王死，公孫衍欲窮張儀、李讎，謂公孫

衍曰：不如召甘茂於魏，召公孫顯於韓，起樗里子於國，三人者皆張儀之讎也。公用之，則諸侯必見張儀之無秦矣。愚按：可以知當時事情，又按樗里子、甘茂為丞相，秦武王二年

秦使甘茂攻韓，拔宜陽。

考證甘茂拔宜陽采秦策。

使樗里子以車百乘入

周，周以卒迎之，意甚敬。

考證楓山三條本，北堂書鈔，迎下無之字，書鈔，敬下有之字，策作周君迎之，以卒，甚敬，秦拔宜陽，故樗

里子得入周。

楚王怒，讓周以其重秦。客游騰為周說楚王曰：知伯之

伐仇猶，遺之廣車，因隨之以兵，仇猶遂亡。

集解許慎曰：仇猶，夷狄之國，索隱游，姓騰名也。

戰國策云：智伯欲伐仇猶，遺之大鐘，載以廣車，以仇猶為公由，韓子作仇由，地理志：臨淮有公猶縣也。  
正義括地志云：并州孟縣外城，俗名原仇山，亦名仇猶，夷狄之國也。韓子

云：智伯欲伐仇猶，國道險難不通，乃鑄大鐘，遺之，載以廣車，仇猶大悅，除塗內之，赤章曼支諫曰：不可，此小所以事大，而今大以遺小，卒必隨，不可不聽，遂內之，曼支因斷轂而馳

至十九日而仇猶亡也。戰國策曰：智伯欲伐仇猶，遺之大鐘，載以廣車，又見韓非子說林，呂覽權勳，鄭玄曰：廣車，橫陳之車。考證周策云：遺之大鐘，載以廣車，又見韓非子說林，呂覽權勳

此有脫誤，中井積德曰：廣兵車之名，楚王楚懷王。

何則無備故也。齊桓公伐蔡，號曰誅楚，其

實襲蔡。考證事見齊太公世家管仲傳

今秦虎狼之國使樛里子以車百乘

入周。周以仇猶蔡觀焉。考證策觀焉作戒之故使長戟居前，彊弩在後。

名曰衛疾。而實囚之。正義衛疾防衛樛里子且夫周豈能無憂其社稷哉。

恐一旦亡國，以憂大王。楚王乃悅。考證樛里子以車百乘以下采西周策秦武王卒，

昭王立。樛里子又益尊重。昭王元年，樛里子將伐蒲。索隱按紀年云，楮

里疾圍蒲不克而秦惠王薨事與此合正義蒲故城在滑州匡城縣北十五里即子路作宰地考證蒲衛邑今直隸長垣縣梁玉繩曰索隱引紀年云楮里疾圍蒲不克而秦

惠王薨以為事與此合殊妄或云惠王是武王之誤事又在武四年非昭元年矣蒲守恐，請胡衍。索隱人姓名也胡衍為

蒲謂樛里子曰：公之攻蒲為秦乎？為魏乎？為魏則善矣。為秦

則不為賴矣。集解賴利也夫衛之所以為衛者以蒲也。正義蒲是衛國之鄣衛

考證二衛字皆國名今伐蒲入於魏，衛必折而從之。索隱戰國策云今蒲入於秦衛必折而入於魏與



此文相反。考證顧炎武曰：策文為正，中井積德曰：秦伐蒲，而蒲不入秦，却入魏，竟其理，國策似長。然拔蒲而衛益弱，則秦何不遂取之，而坐視其入於魏也？是亦說辭之疎處。終不如蘇張也。**魏亡西河之外，而無以取者，兵弱也。**正義西河之外，謂同華等州。考證吳師道曰：秦

惠王八年，魏納河南地，後二年，魏入上郡於秦，而河西濱洛之地失。今并衛於魏，魏必彊。魏彊之日，西河

之外必危矣。且秦王將觀公之事，害秦而利魏，王必罪公。

考證策罪作怨，史義長。樛里子曰：柰何。考證問其道也。胡衍曰：公釋蒲勿攻，臣試

為公入言之，以德衛君。樛里子曰：善。胡衍入蒲，謂其守曰：樛

里子知蒲之病矣。其言曰：必拔蒲，衍能令釋蒲勿攻。蒲守恐

因再拜曰：願以請。因效金三百斤。考證楓山三條本，守下無恐字，愚按恐因二字疑衍，策作蒲守再拜，因

效金三百鎰，無曰願以請四字。曰：秦兵苟退，請必言子於衛君。使子為南面。

考證策苟作誠，言作厚，無使子為南面五字。故胡衍受金於蒲，以自貴於衛。於是遂解蒲

而去。

考證

樗里子將伐蒲以下，采衛策，梁玉繩曰：案樗里子亦得三百金而歸，見國策史略，不言樗里。

還擊皮氏。

正義故城，在絳州龍門

縣四百四十步，魏邑。

皮氏未降。又去。昭王七年，樗里子卒，葬于渭南章臺

之東。

索隱

按黃圖，在漢長安故城西，章臺，秦臺，在陝西咸陽縣。

曰：後百歲，是當有天子之宮，夾

我墓。樗里子疾室，在於昭王廟西，渭南陰鄉樗里，故俗謂之

樗里子。至漢興，長樂宮在其東，未央宮在其西。

正義漢長樂宮，在長安縣西北十

五里，未央，在縣西北十四里，皆在長安故城中也。

武庫正直其墓。

索隱

直，如字讀，直，猶當也。考證：崔適曰：此堪輿家之言也，愚按呂不

韋傳亦云：始皇七年，莊襄王母夏太后薨，葬杜東，曰：東望吾子，西望吾夫，後百年當有萬家邑，古書言風水方位者，蓋以此為始，皆後人傳會之說，未必出於夏太后。樗里子也。史記曰：者傳褚先生補引堪輿家言，漢書藝文志有堪輿金匱十四卷，官宅地形二十卷，亦說風水方位者，其書今亡。沈欽韓云：論衡詰術篇圖宅術曰：宅有八術，以六甲之名數，而第之，第定名立宮商殊別，宅有五音，姓有五聲，宅不宜其姓，姓與宅相賊，則疾病死亡，犯罪遇禍。又曰：商家門不宜南向，徵家門不宜北向，商、金、南方，火也，徵、火、北方，水也，水勝火，火賊金，五行之氣不相得，故五姓之宅，門有宜向，向得其宜，富貴吉昌，向失其宜，貧賤衰耗，隋志相宅圖八卷，五姓墓圖一卷，梁有冢書，黃帝葬山圖，各四卷，五音相墓書五音圖。

等書文選二十三注青鳥子相冢書曰天子葬高山諸侯葬連岡初學記相冢書曰凡葬龍耳者當貴出五侯御覽五百六十相冢書曰青鳥子稱山三重相連名傘山葬之出三千石按後書袁安求葬地道逢三書生指一處云葬此地當世為上公又吳雄家貧喪母營人所不封土者擇葬其中皆言當族滅則漢固已有葬法矣愚按沈氏所引皆西京以後之事則樛里子夏太后不可有此言矣

**秦人諺曰力則任鄙智則樛里。**考證鄙里韻任鄙秦力士見秦本

紀楓山三條本里下有子字恐非 **甘茂者下蔡人也。**索隱地理志下蔡縣屬汝南今潁州縣卽州來國 **事下蔡**

**史舉先生學百家之說。**索隱戰國策及韓子皆云史舉上蔡監門 **考證楚策韓非子內儲篇漢書古今人表中上有史舉**

**因張儀樛里子而求見秦惠王王見而說之使將而佐魏章**

**略定漢中地。**考證楓山三條本二王字間有惠字錢大昕曰魏章卽秦本紀之庶長章也 **惠王卒武王立張**

**儀魏章去東之魏蜀侯煇相壯反。**索隱煇音暉又音胡昆反秦之公子封蜀也華陽國志作暉壯音側狀

反姓陳也考證煇凌本作輝誤中井積德曰據張儀傳惠王之時代取蜀貶蜀王為侯使陳莊相蜀以原蜀王為蜀侯也然則蜀侯煇蓋原蜀王或當其子本紀則有公子通封於蜀之文事相淆亂豈通之封者只受采於蜀而已非為蜀侯邪取蜀至壯反中間僅六七年愚按說又見秦本紀 **秦使甘茂定蜀還而**

以甘茂爲左丞相，以樗里子爲右丞相。秦武王三年，謂甘茂曰：寡人欲容車通三川，以窺周室，而寡人死不朽矣。

考證容車通三川

者欲容車之廣，通三川之路也，不必須廣策無容字，三川，伊洛河，李光縉曰：將欲取之而不正言，故曰窺窺小視也，愚按御覽引史作死且不朽也，左傳僖三十三年，寡君之以爲戮，死且不朽，國語楚語，若得歸於楚，死且不朽，言雖死，其身不朽也，當時套語。甘茂曰：請之魏，約以伐韓，而令向

壽輔行。

正義向壽，餉受二音，人姓名，考證孟子注，輔行，副使也，中井積德曰：甘茂與向壽不相善，然率之而行者，恐其在中作讒構也，愚按武王亦欲使向

壽監視，向壽宜太后外族。

甘茂至，謂向壽曰：子歸言之於王，曰：魏聽臣矣。然

願王勿伐，事成，盡以爲子功。向壽歸以告王，王迎甘茂於息

壤。

索隱按山海經，啓箴云：昔伯鯀竊帝之息壤，以堙洪水，或是此也。正義秦邑。

甘茂至，王問其故，對曰：宜陽

大縣也。上黨、南陽，積之久矣。

索隱謂上黨、南陽，竝積貯日久矣。正義韓之北三郡，積貯在河南宜陽縣之日久矣。

考證正義三郡，楓山三條本作二郡。

名曰縣，其實郡也。

考證杜佑曰：春秋時列國相滅，多以其地爲縣，則縣大而郡小，故趙鞅

曰上大夫受縣，下大夫受郡，至于戰國，則郡大而縣小矣。故甘茂曰：宜陽大縣，其實郡也。今王倍數險，行千里，攻之難。

**索隱**數音率，腴反。**正義**謂函谷及三嶠、五穀。**考證**倍與背同，正義三嶠、楓山三條本作二穀。昔曾參之處費，**集解**音祕，魯

人有與曾參同姓名者，殺人。**考證**策，姓名作名族，古者姓族不同，史公易以當時語改為姓名。人告其

母曰：曾參殺人。其母織自若也。**考證**策，其母作曾子母。頃之一人又告之

曰：曾參殺人。其母尚織自若也。**考證**楓山三條本，頃之作頃，然與治要所引合，策作有頃焉。頃又一

人告之曰：曾參殺人。**考證**治要，頃下有然，字策作頃之一人又。其母投杼下機，踰牆而

走。**考證**杼，機之持緯者，投杼見其倉黃之狀。夫以曾參之賢與其母之信也，三人疑

之，其母懼焉。**考證**李笠曰：之信，誤倒。今臣之賢不若曾參，王之信臣，又不

如曾參之母，信曾參也。疑臣者，非特三人。臣恐大王之投杼

也。**考證**李笠曰：昔曾參之處費，至臣恐大王之投杼也一段，秦策在下文，寡人不聽也。上疑史記錯簡，胡時化曰：譬喻是古人文章一大機括，始於元首股肱之歌，益於

舟楫鹽梅之命，波瀾於詩之比體，下至孟荀莊列，文章奇特處，亦多譬喻，而戰國此策，尤其善用者也。

始張儀西并巴蜀之地，

北開西河之外，南取上庸，天下不以多張子，而以賢先王。

考證策始作臣聞，義長，梁玉繩曰：張儀傳不書儀，并蜀秦紀稱司馬錯滅蜀，而此言儀者，水經注云：惠王使儀錯等滅蜀，華陽國志云：蜀王伐苴侯，苴侯奔巴，求救于秦，惠文王

使儀錯伐蜀滅之，是二人同往也。愚按：上庸，漢中要地，今湖北竹山縣。周赧王三年，秦攻楚，漢中取地六百里，魏文侯令樂羊將而攻

中山，三年而拔之。樂羊返而論功，文侯示之誦書一篋。樂羊

再拜稽首曰：此非臣之功也，主君之力也。

考證中山，今直隸定縣，春秋鮮虞地，周威烈王十

八年，魏克中山，史記趙獻公十年，中山武公初立，索隱：世本云：中山武公居顧，桓公居靈壽，後為趙武靈王所滅。據此，魏文侯所克乃武公地，趙武靈王所滅乃桓公地，地本分自

中山，故皆以中山為號也。

今臣羈旅之臣也。

考證下蔡屬楚，故曰羈旅之臣。

樗里子公孫奭

二人者，挾韓而議之，王必聽之。

索隱公孫奭，按戰國策作公孫衍，正義奭音釋。

考證治要引史議下無

之字，王念孫曰：秦策及新序雜事篇亦無之字，此涉下文而衍。

是王欺魏王，而臣受公仲侈之怨也。

**集解**徐廣曰：修一作馮。**考證**負約，故曰欺。魏王為伐韓之計，故曰受公仲侈之怨。公仲侈，韓相。梁玉繩曰：徐廣云：修一作馮。田完世家：韓馮徐亦云。是公仲侈即國策韓之公仲朋也。紀年又稱韓明馮朋，音近。侈明朋字近，人表又譌公中用愚按朋，其名公仲，其字韓侈，別是一人。說在韓世家。**王曰：寡人不聽也。**

**請與子盟。****考證**盟下添於是與之盟於息壤八字看。**卒使丞相甘茂將兵伐宜陽。五月**

**而不拔。樗里子、公孫奭果爭之。武王召甘茂欲罷兵。甘茂曰：**

**息壤在彼。****正義**甘茂歸至息壤，與秦王盟，恐後樗里子、公孫奭伐韓，今二子果爭之。武王召甘茂欲罷兵，故甘茂云：息壤在彼邑也。**考證**中井積德曰：甘茂

意謂奈息壤之盟何也，不悉言而使王自省焉。是時甘茂之手必西南指也。愚按正義伐韓句必有譌誤。**王曰：有之。因大悉起兵，**

**使甘茂擊之。斬首六萬，遂拔宜陽。****考證**秦武王三年以下，采秦策，但策不曰武王三年，又無斬首六萬之

**文。韓襄王使公仲侈入謝，與秦平。武王竟至周而卒於周。**

**考證**凌稚隆曰：此著武王卒于周，以終前窺周室死不朽之語。梁玉繩曰：案秦紀趙世家：秦武王之卒與此異。**其弟立為昭王。****索隱**按趙

系家：昭王名稷，王母宣太后，楚女也。**考證**楓山三條本：王上有昭字。**楚懷王怨前秦**

敗楚於丹陽，而韓不救。乃以兵圍韓雍氏。索隱按秦惠王二十六年楚圍雍氏，至昭王七年

又圍雍氏，韓求救於秦，是再圍也。劉氏云：此是前圍雍氏，當赧王之三年。戰國策及紀年，與此並不同。正義故城在洛州洛陽縣東北二十里。考證楓山三條凌本，丹陽作丹

楊史文云：秦昭王新立，則楚圍雍氏，則非七年事，亦非惠王二十六年事也。說在秦紀。韓使公仲侈告急於秦。考證韓策

公仲侈作張翠。秦昭王新立，太后楚人，不肯救。公仲因甘茂，茂為韓言

於秦昭王曰：公仲方有得秦救，故敢扞楚也。今雍氏圍，秦師

不下殺。公仲且仰首而不朝。考證中井積德曰：仰首，失措不知所出之狀。愚按策作抑首，安井衡云：憂之疾首，故按

其首而不朝聽事，二書各宜從其本義，且將也。下文同。公叔且以國南合於楚。楚韓為一，魏氏

不敢不聽。然則伐秦之形成矣。考證公叔韓公子不識坐而待伐，孰與

伐人之利。秦王曰：善。乃下師於殺以救韓。楚兵去。考證茂為韓言於秦昭

王以下，采韓策。秦使向壽平宜陽。考證陳仁錫曰：平者，正其疆界和其人民也。而使樗里子、甘茂



伐魏皮氏。向壽者，宣太后外族也。而與昭王少相長，故任用。

向壽如楚。集解徐廣曰：如，一作和。考證中井積德曰：向壽如楚，述前事也。愚按：向壽下添嘗字看。楚聞秦之貴向壽，

而厚事向壽。向壽為秦守宜陽，將以伐韓。考證向壽為秦上，添及字看。韓公仲

使蘇代謂向壽曰：禽困覆車。集解譬禽獸得困急，猶能抵觸，傾覆人車。公破韓辱公

仲。考證中井積德曰：辱公仲亦述前事也。公仲收國復事秦，自以為必可以封。正義公仲

自以為必可得秦封。考證可以封下，添而未得三字看。今公與楚解口地。索隱解口，秦地名，近韓，今

公，向壽也。解口，猶開口得言。向壽於秦開口，則楚人必得封地也。封小令尹以杜陽。索隱又封楚之小令尹

封楚令尹，是秦楚合也。考證中井積德曰：與解口封杜陽，竝遂事。索隱將字舛，愚按：楓山三條本，杜陽下有奉楚二字，策解口作解中，杜陽作桂陽。秦楚合，

復攻韓，韓必亡。韓亡，公仲且躬率其私徒，以闕於秦。集解闕，

正義公仲恐韓亡，欲將私徒往宜陽，闕向壽也。考證此將來之事，凌雅降曰：躬率私徒闕於秦，正前禽困覆車，文種行成于吳，而謂以五千敢死之士，當十萬久疲之兵，語意